

南
州
草
堂
集

南州草堂集卷十五目錄

古今體詩

漁村

和工部曹子清韻三首

賭棋四絕句

春日飲牡丹花下友人以玉壺行酒不覺竟

醉遂題絕句一首

寄張阜樵太守用東坡謫黃州至岐亭與故

人陳慥季常集字韻

寄學使蘭臯兄

題落梅圖

溽暑中邀沈樹奇畫竹石於松風書屋壁間

用文與可掃取寒梢萬尺長爲起句成絕句四首

重九前三日起雷陳子以詩來訂洞庭之遊賦此荅之

往遊洞庭同起雷晚渡石湖

抵上沙同起雷啓東集有尊硯莊

胥口早發

鎮下晚泊訪周覲侯山人不值

包山寺

毛公壇二首

林屋洞

太傅還從棋局賭論兵

春日飲牡丹花下友人以玉壺行酒不覺

竟醉

鈞簾斜日透芳叢花信今番第幾風莫怪晚來容
易醉玉壺傾瀉飽鞞紅

寄張阜樵太守用東坡謫黃州至岐亭與

故人陳造季常集字韻

昨歲過延劍劍熱汗如汁停撓一候君灘多嵐氣
濕一言投分空道義頗相得兩月客三山時復謀
緩急徒憐曳空龜未畜能言鴨行行及新秋怪風
卷雲羃聯閣中與我卜精藍環繞千巖赤臥閣時

相邀園碁鬪黑白爲君更淹留朝夕岸巾續旅懷
縱無聊免使枯魚泣初冬遂謀歸音問久疎缺荏
苒一年來流光如過客人生能幾何百感恒遙集

寄學使蘭臯兄

諸公滾滾盡登仙回首蓬瀛一惘然雞犬豈能偷
大藥鷲鷗只合許高眠買山但少三間屋種秫曾
無二頃田憑仗老兄分薄俸好從擊壤樂堯年

題落梅圖

千片梅花落暗香忽驚老眼倍淒涼自從骨化魂
消後無復春風點額粧

溽暑中邀沈樹奇畫竹石於松風書屋壁

間用文與可掃取寒梢萬尺長爲起句

四首

掃取寒梢萬尺長滿堂炎暑忽生涼絕鱗雞距殘
毫在只少驚溪白鬣光

掃取寒梢萬尺長先生晚節足徜徉看他渾似文
夫子若遇東坡費較量

掃取寒梢萬尺長人間妬煞紫毫銜籜龍一夜墻
根出畱與空庭憂鳳凰

掃取寒梢萬尺長黑蛟蟠處舞淋浪憑君移却篔
簹谷種向松風舊草堂

重九前三日起雷陳子以詩來訂洞庭之

遊賦此答之

數載菰蘆臥此身原自閒
拋書成獨往拄杖欲看
山黃菊無人惜丹楓擬共攀
幸能逢好事蠟屐不
須還

往遊洞庭同起雷晚渡石湖

洞庭秋正好幾度望遙空
一棹今方倚千巖路未
窮人來黃葉渡舟送白蘋
風願逐鷗波去忘機似
海翁

抵上沙同起雷啓東集有遵硯莊

幾度看花到此遊夕陽秋水又維舟
主人迎客歡如昨稚子牽衣笑未休
愛取黃花移硯北頻浮綠

蟻罄牀頭剪燈細話登臨樂折取松枝作酒籌

胥口早發

常恐怒濤發今能信棹行波平忘遠近煙斂愛空
明坐覺漁舟穩徐看細浪生遙山如可接失喜向
人迎

鎮下晚泊訪周覲侯山人不值

小艇纔停水一灣滿林霜葉掩柴關樵歌乍歇煙
初暝漁鼓初喧客未還旋摘藥苗畱晚供閒扶藤
杖破衰顏顏垣老桂蕭疎甚翻怪山人今出山

覲侯

庭中老桂一
株幾百年物

包山寺

愛此包山寺，深藏林壑間。
山迴疑面勢，路轉信彎環。
松老鶴方出，泉枯澗未潺。
老僧茶話久，煙暝不知還。

毛公壇二首

灑灑清泉瀉夕陽，毛公壇口路蒼涼。
一堆亂石縱橫甚，疑是初平舊叱羊。
自被罡風墮九重，鼎邊鷄犬定難從。
癡人尚擬尋仙去，喚醒還憑五夜鐘。

林屋洞

伊昔靈威丈，接穴信所適。
玉書與金簡，傳聞頗有獲。
千古遂紛紜，或疑神仙迹。
未知始何代，好事屢

鑄石白日閱終古至竟僊凡隔我來值秋杪林莽
正蕭槭解襪涉幽虛下瞰沮洳積蛇行信匍匐似
欲騎鯨脊石乳紛倒垂終恐礙頭額牀竈盡纍纍
陰崖頗隘窄蝙蝠聞人聲亂撲松煙黑吾衰力甚
憊浚愧無能役穿漏見日光急呼儔侶出神仙類
狡獪往往誤遊客因茲鑄洞門毋爲彼所惑

歷屏高陽谷諸勝至洞山絕頂

洞山極屨屨乃在陽谷傍巒嶂無寸膚大石成巨
防磊砢獅象伏窈窕蛟螭藏洞門蓋幽閔蘿蔓紛
高張山花不辨名野草含空香我行出幽谷登磴
摩穹蒼細路如蟠蛇亂石疑眠羊飛身梯絕壁下

瞰湖波光不愁苔徑滑獨立臨滄茫與客唱小海
天風忽飛颺安得挾仙靈一隨鸞鶴翔

重九日登縹緲峰作歌

五湖三萬六千頃七十二峰終古浮茫茫塵世駒
過隙轉蛄未辨春與秋吾今老矣臥林壑且喜托
足凌滄洲人生百年難把玩况驚噩夢多煩憂擬
登縹緲計遂決孤峰一望東南收更逢重九好風
日青鞵布襪行堪求委蛇直上最高頂翠螺滅沒
如浮漚玉清神霄恍可接欲隨鸞鶴相爲儔芙蓉
矗立幾萬丈白銀世界窮雕鏤雲光水色簇金碧
兜羅綿現連三州把酒大叫仰飛鴻人間得有此

樂不久聞茲峰號奇絕何幸著屐今來遊陽烏西
傾客欲去回頭一步一淹留

夜飲詞侯齋中

風墜茅簷一葉黃喜逢節物是重陽薦觴爭羨雞
豚美畱客偏宜芋栗香選勝劇談林壑好回頭淡
悔市朝忙樽前重蠟登山展明日峰巔更放狂

泛舟遊大小龍渚

雲根連鰲下絕壁龍公鱗鬣中間出有時鼓浪挾
雷霆風雨乍息晝晦匿何年踞此湖中心蛟宮鼉
窟爭屋室石梁石礎盡安排陽侯往往拒人迹吾
來時值秋水涵爭奇獻秀景非一陰岬恍疑龍骨

南唐書卷之五
六
蛻洞穴不愁鯨跳擲延緣倚棹極幽深雙闕突見
巨靈跼削影啣山山欲紫日光射波波漸赤急移
雙槩迴荒渚蘆花茫茫一片白

石公山

一自中郎遊賞後逢人便問石公山今朝幸得携
雙屐相見能無一解顏

登王氏明秀閣

何人解愛五湖水高閣朝朝對石公帆掠每從煙
靄出身輕疑人畫圖中一天影浸湖波碧萬頃寒
消落日紅終古魚龍多變幻凌虛直欲問鴻濛

山石公山歷蟠龍歸雲諸洞步至劍樓雲

梯作

石公如菡萏秀出湖心中老蛟昔蟠舞欹側成窪
窿洞門殊窈窕常恐生雷風怪石似眠羊猶疑變
雨工巨若龍蛻骨支撐岩竇通水淫肝膽揭朶朶
青芙蓉劍樓類削成雲梯接虛空儻恍日益眩狡
獐煩天公一步一叫絕袍笏擬相從夕陽忽西沉
西山紫翠重歸雲來洞口態度尤纖穠吾將弄明
月迴棹毋匆匆

石蛇山

石公西去蟠石蛇大石森布中谿訝湖波瀕洞勢
澎湃斷崖削壁無周遮俯瞰百里杳無際煙鬟霧

髻紛鬢髻或恐魚龍常脫甲此蛇畫伏來搔爬我
行放舟入蛇腹與蛇角力相攫拏同遊往往氣欲
奪褰裳濯足興未賒何當浩歌臨千仞鞭蛇直作
張騫槎

石公石婆

洞庭山石奇莫測造化功或如猛獸攫或如山鬼
雄劍槩或排列戈矛或擊椿矯或若猿猱盤或若
蛟龍如碁或重累如屋或中空或削如頤雷或蘄
如崇墉幻出巒壑姿悉數誠難窮異哉茲二石態
度尤從容端然互相向屹立儼相從未知誰作匹
名爲婆與公但說極荒唐直可欺愚蒙吾欲証其

誣其詞恐難終且憑此翁姬去辯雌雄風

玩月坡次起雷韻

欲共瀟湘較若何扶筇且問此山阿坡因苔滑不
逾好石被濤侵齧更多驚起沙鷗橫鐵笛移來短
棹挂煙篆清光倘許頻相借明日還宜載酒過

臥龍松

松在上方寺前相
傳梁天鑿中物

未到上方寺先看臥龍因憐天鑿物曾聽景陽
鐘冰鬣侵苔瘦霜皮溜雨濃千年甘葭落不肯受
秦封

千株園小閣晚眺

曲折山坳引興長藥苗細細靜聞香松門晝掩經

聲出澗水常流竹影涼歸路欲裁居士服千株但
少木奴霜園以種橘得名今閒憑小閣同登眺猶
對湖光戀夕陽棟後無一株存者

落帽臺遇秦山人存古

萬山紫翠正氤氳落帽臺邊話夕曛芒屨松冠真
可愛因君不復憶參軍

明月灣

十載蓬池是夢中又看蘋末起秋風短簑自逐天
隨子明月灣前理釣筒

遊洞庭後重過硯莊借諸子泥飲盡醉

瘦藤終日倚衰翁收拾烟雲一瞬中勝事難逢常

八九好山猶幸接西東

洞庭兩山東西相望

新霜似餞蘆花

白晴日還烘柿葉紅更喜相從年少客高懷不放

酒杯空

法螺菴看秋色

三春每過旋螺頂今日重來欵竹扉一片秋容如

蜀纈應憐晚節鬪芳菲

吾淨銷夏三月三君登縹緲九月九江山不著
兩閒人世間好景多孤負君嘗怪我不爲園我
園在山豈蕭垣我每喚君不肯畫君壽在詩饒
變化古來何處有仙真盡是移家避世人與君
振宅包山去萬橋陰中好結鄰稼堂潘未
去歲南遊飽荔支春來林屋偏題詩世間好景
無人問只許楓江釣叟知贊客董含

題董榕菴盍簪感逝錄二首

荏苒論交感慨同九原宿草又西風黃公壚畔腸
堪斷盡在山陽一蓬中

壬申除夕

屠蘇飲罷覺微醺兀坐騰騰夜已分似掌雪花飄
碧瓦黃昏時大雪如雷爆竹響青雲二更後星斗燦然久忘漏
箭雞人促猶記朝衣侍女薰五十七年渾是夢休
將榮辱問靈氛

南州草堂集卷十六目錄

古今體詩

癸酉元旦

春至

齒痛

江楓菴指公八十壽

早春援梅

遊寒山法螺菴與德堅上人

梅花與桃李爭放口占絕句一首

登萬峰臺

雜興

同張弘蘧館丈集謙六孝廉齋和韻

詠懷

白雲泉

哭益都相國易齋馮公四首

哭真定相國蒼巖梁公四首

哭相國立齋公八絕句

夏日司寇叔過城西草堂招同已畦香山後

村暨謙六起雷宗少諸子小集卽乘月至

爛溪訪稼室村庄稼堂畱飲有作次稼堂

韻二首

憂旱口號六首

重九日桐齋招飲卽事

冬日回竹垞訪稼堂夜宿平望僧舍

元夜硯莊小集同樵水友汪

題友人小照

醉後酣寢醒來口占

題李武曾灌園圖

舟過嚴陵有懷方渭仁兼寄毛允大

仙霞嶺

與同年汪悔齋觀察

輓陳紫巖孝廉

與楚中李鵠山別二十五年矣今遊三山方

知官於此土把袂驚喜遂成一律

閏五月十七夜翁岸甫招同王露潛携酒登
高臺望月

林子吉人出示甘泉宮瓦題四絕句

鶴巢歌爲吉人賦

夏日高雲客林竹筠李榕菴何晚仲諸老招
飲榕菴卽事

題林吉人聽泉圖

秋夜飲李鶴山署齋沉醉口占

長至後四日客汀州傅浣嵐太守招遊朝斗
巖次韻二首

浣嵐席上送周龍客遊三山

長歌畱別浣嵐太守兼以爲壽

哭同年喬石林侍讀

南州草堂集卷十六

吳江徐 鈞電發著

詩藁

古今體

起癸酉正月至乙亥十二月止計六十四首

癸酉元旦

東風吹轉雪初晴
屈指韶華歲又更
鴛瓦漸消簷
浙瀝硯蟾新滴水
晶瑩槐根夢斷眠
方穩竹葉盃
淺手自傾衰病暗
來無避處尋春只欠舊心情

春至

已看鴨綠生南浦
又見鵝黃上柳條
唯有鬢邊幾
點雪不因春至一時消

齒痛

少陵嗟耳聾昌黎患齒落人生詎有涯壽命信難
託吾年未六十舉動苦衰弱前春脫左車昨冬病
腰脚今年齒牙痛勢轉較前惡非惟妨物食竟至
廢栝酌余以牙痛戒酒頽然一老翁徒羨屠門嚼

江楓菴指公八十壽

挂却條衣丈室中貪煨芋火老江楓不隨時輩開
堂去常愛清流咲語同蓮座經聲依佛日石牀花
雨散春風切逢龍漢分明在應記開元鶴髮翁指公

於五十年前與周安期翁仲謙吳茂申俞無殊家介白爲方外交

早春撥梅

烟鎖橫塘一徑通
千山晴雪夕陽烘
看花不作羅浮夢
直欲移家訪葛洪

遊寒山過法螺菴與德堅上人

剖開一片雲根石
旋結莊嚴古佛場
螺頂泉流穿曲澗
簷牙梅老發幽香
懶看世上紅塵鬧
坐愛山中白日長
更喜花時紛似繡
無人不到贊公房

梅花與桃李爭放口占一絕句

梅花桃李一齊芳
濃淡都隨時世粧
近日兒童元競進
何曾肯讓丈人行

登萬峰臺

揆梅越山椒
芒屨信輕矯
登磴如盤空
危峰切雲

表遙指湖中山，彎環青未了。高低惟積素，繁花徧
林杪。若無香風吹，疑是白雲繞。清景得幽姿，益覺
破空杳。撫石獨徘徊，凌虛絕飛鳥。何時把一茅，與
梅共昏曉。

雜興

春來湖水碧粼粼，小艇看花取次頻。只爲溪坑平
地有，怕隨瞎馬與盲人。

同張弘遠館丈集謙六孝廉齋和韻

葛巾野服鬢毛疎，無復蕭騷感索居。幸喜青雲能
接席，憑誰白眼話當初。臨風已自悲團扇，對酒何
勞顧敝廬。時弘遠病初起，微過余故云。舊日漁竿原不負，江邊

鷗鳥豈欺予

余舊有白水漁竿圖真定公題云脫却朝衫尋白舫人間最穩是漁竿

詠懷

孫劉眼底紛紛在只作垂簾隱几看

友人吳棟塘詩云田寶相

顧猶未已孫劉雖罷不無體余感其言遂用爲起句

顧我顛毛真種種由他

流水去潺潺老知魚鳥諳人易窮結舟車送鬼難
對酒但須開口笑槐根蟻穴豈相關

白雲泉

樹頭蒼鬱石崔嵬忽聽琤琮萬壑哀莫道白雲畱
得住此泉也會出山來

哭益都相國易齋馮公四首

回憶春風萬柳堂

堂在崇文門東公所築別墅在焉

每從暇日選

壺觴論文欲盡三條獨立雪常依數仞墻爐裏燒
丹惟煉石手中添線爲垂裳誰知數載東山臥高
塚今看起北邙

公薨 聖主頻嗟悼猶爲朝家惜老成拊手山河

歸赤社側身天地繫蒼生冶源自乞垂綸處公里居名

治湖水竹最勝東閣應無曳履聲曾記都門從祖帳蕭疎
雙鬢倍關情

延登沙路領羣公夙夜憂勤 帝座通翊戴雨朝

還舊服掃除三孽荷成功公在內閣時定三藩之變懸車尚覺

星辰近著屐猶思劔履崇腸斷龍門成馬巖秋來

又聽白楊風

一從歸臥老江湖鈴閣傳宣近有無猶記殷勤趨
夕殿難忘吐握廢朝餉帝思耆德曾調鼎人許
孤忠協廟謨執紼無從三嘆息誰憐有淚灑菰蘆
哭真定相國蒼巖梁公四首

熙時元老冠儒宗秘殿常參儼肅雍辛苦調羹和
丙魏委蛇補袞接夔龍烟雲已自憑圖畫公所藏
圖史最
高勲伐猶堪勒鼎鐘最憶蕉林閒退食舉朝水火

獨從容

幾年開濟重巖廊憂國時看鬢似霜不是孤忠扶
社稷誰令四海樂耕桑兩朝前席勤三殿萬里驚
心詔五羊二籊之撤公奉命
粵東獨成禮而回北望還憑精爽在好

依弓劍侍

章皇

公爲尚書四十年受知世祖章皇帝最淺

傳來箕尾赤霄行痛哭猶懷愴別情

丁卯三月余左遷南歸公

賦詩言別語多鄭重

髣髴衰衣添白髮低徊蠟屐起蒼生一

身已自安遷謫五嶽何曾嘆不平慚愧師門無補報惟餘雙手種蕪菁

自被甄陶拔草萊臨分猶惜爨餘材幸逢天上新

調鼎稍慰江邊舊暴頤

公故卜在余歸田之後

狼籍每思茵

屢吐掃除曾記閣重開可憐門館酬恩地有淚無從滴夜臺

哭相國立齋公八絕句

相國立齋公之薨也欲爲詩哭之輒哽

噎不成句逾年作絕句八首以寫悲傷
嘆悼之情哀從中來不自覺其語無倫
次也

欲問巫咸路渺茫空持絮酒漬靈牀
狀元宰相人爭羨未了誰知事更長

丹旄飄蕭哭寢門雨翻雲覆攪槐根
可憐徒鬪牀頭蟻青史終當記潞溫

濟時總未爲身謀百鍊寧能化曲鈞
耿耿孤忠常不滅由他怨李與恩牛

聖主猶知戀直臣頻年史局領閒身
誰知一管陽秋筆汗簡何曾到獲麟

凜凜霜風諫草寒十年前後領臺端懸知屈軼嶙峋甚憂患從生路不寬

猶記凜搖鍛羽時臨岐執手淚如絲耦耕有約何

曾踐此日徒傳秉耒詩余左遷南歸公送余詩有不知秉耒日能待耦耕人

之句

相門清節誰人問含殮無能值百金地下四知原

不負 九重應自鑒丹心

不分華屋與山丘剩有羊曇淚未收從此秋風桂

花發忍携馬策扣西州公送余詩又有與爾相期玉山側記取來年桂發時

句

夏日司寇公過城西草堂招同已畦香山

後村暨謙六起雷宗少諸子小集卽乘
月至爛溪訪稼堂村庄稼堂畱飲有作
次韻二首

不雨徑旬萎野蒿扶鋤抱甕敢辭勞忽驚赤脚喧
高蓋急遣長鬚問小舸進揖諸生携拄杖招呼親
串醉香醪開襟且共消煩暑剩有新裁白苧袍
清淺蓬瀛不記年相携訪舊更畱連浮來竹葉新
開釀網得銀魚小刺船入手但知杯可酌舉頭又
見月橫天東山碁屐香山社嘗願追隨烟水邊

憂旱口號六首

從古吳淞水渺茫朝來掘井竟無漿人情但說滄

桑改憂旱誰知到水鄉

太湖湖底盡揚塵誰與農夫念苦辛
不見長官虔步禱惟憑社鬼賽龍神

海枯石爛水如煎望斷雲霓竟眇然
風伯雨師皆

退舍都因頭上有青天

吳民呼好官爲青天

枯槁無力欲吞聲城市猶然鬧鼓鉦
彫面兒郎羣

不逞不求甘雨只求晴

躬耕已自辦腰鎌荷笠惟將晴雨占
炙手但知丞

相熱如何魃鬼也炎炎

物情久矣厭天心災譴應教湯火燭
只有 阜仁

能浩蕩猶餘一線望商霖

重九日桐齋招飲卽事

昨宵涼雨濕籬邊，好友招尋且刺船。
繞徑秋瓜初萎蒂，登盤黃雀乍被綿。
逢人已覺千般拙，對酒猶爭一著先。
時與香山以圍棋賭酒三百六旬知有幾，肯辭脫帽醉花前。

冬日同竹垞訪稼堂夜宿平望僧舍

訪戴相將似剡溪，行行不覺夕陽低。
湖邊曬網漁人集，渡口停橈賈客齊。
嬾向楸枰分黑白，且從阡陌辨東西。
携來襖被茅菴宿，話盡霜天聽曉雞。

元夜硯莊小集同樵水友汪

春寒得得響流澌，節物驚心醉酒卮。
野外喜逢梅

放日山中又見雪消時
華燈寂寞憐荒歲
禪榻飄蕭感鬢絲
剩有一雙新蠟屐
年年不負看花期

題友人小照

暖日斜烘鴨卵紅
披襟好似坐春風
陶公柳與嵇公鍛
併入先生圖畫中

醉後酣寢醒來口占

投老每思多種秫
如何一盞便陶然
醉鄉割據真難穩
軟飽元來讓黑甜

題李武曾灌園圖

輒紅香土日爭忙
上策無如種菜良
笑我十年飢索米
輸君一飯博君王

富 召試時余借武曾同賜食體仁閣下武曾之

被放南還也有曾博君
王一飯來句故及之

長鏡白柄隨吾老豈要門生議蟹胥大好籬根飽
霜菜餘年應自了殘書

舟過嚴陵有懷方涓仁兼寄毛允大

憶別方干又幾秋合江亭下水如油何時携却金
華酒同醉天邊風露樓

倦霞嶺

三年兩度仙霞嶺笑指江郎是故人百折流泉爭
澹沲千盤磴道出嶙峋荒原似覺龍蛇偃故壘還
疑虎豹屯莫以時清忘設險許多屬國走南閩

與同年汪悔齋觀察

昔我試

皇都虎觀羣賢集同時四汪子

鈍翁蛟門東川

與悔齋

一一才傑立三長君最擅每共承明入倏然

乘長風破浪使絕域遙持龍虎節日月通呼吸

靈書護金函挂席鯨鯢息殷勤宣卉服奎章照海

國禮成來貢贄天子動顏色猶欲試循良一麾

駕熊軾洛陽天之中君能勤厥職當宁大嘆嗟外

臺遂用陟持斧臨七閩奸宄一時戢由茲翊堯舜

致身契與稷鄙夫實不才老作諸侯客崎嶇越嶠

游重繭芒鞋濕知君誼獨高恒不忘車笠應存澗

鮒身勿使枯魚泣

輓陳紫巖孝廉

重過西園路斯人竟邈然酒壚藏夜壑竹戶冷荒
烟遊屐從誰借遺編絕可憐應知搖落意空負孝
廉船

與楚中李鶴山別二十五年矣今遊三山
方知官於此土把袂驚喜遂成一律

據地狂歌久寂寥因君重話昔吹簫身衝瘴雨心
先折夢覺魂根意已消白首空憐班定遠黃金未
賜霍嫖姚誰知火色鳶肩者尚縮銅符嘆折腰與

鶴山夔州相許意氣如雲今余從禁近
左遷鶴山方爲百甲之牧不勝慨然

閏五月十七夜翁岸甫招同王露潛携酒

登高臺望月

臺高五月敞薰風，傍晚相將命酒筒。
樹隱三山羣翠落，雲移雙塔暮烟空。
叅差殘堞迷荒壘，寂寞危樓指故宮。
萬里遙天如一色，鄉心愁煞月明中。

林子吉人出示甘泉宮瓦題四絕句

武帝乘龍事可哀，更無人到集靈臺。
唯留一片甘泉瓦，曾照西京烽火來。

集靈臺李夫人葬處

雲陽宮殿久摧殘，遺瓦猶同渭水寒。
莫向銅駝問消息，金僊清淚不曾乾。

已無寶鼎薦芝房，碧瓦徒憐姿路傍。
猶勝臨漳老銅雀，不從臺畔看分香。

土花如繡色逾妍，拾取荒山夕照邊。
畱與詩人供

嘯詠夜深常得伴陳玄

鶴巢歌爲吉人賦

鹿原山人棲鶴巢大可容藤絡藤梢倚樹而度負
檣立俛視萬井離塵囂翛然天風氣蓬勃有聲相
嚙微動搖山人長嘯凌烟雲雲中白鶴時相招巢
內貯書近千卷兼有金石圍週遭摩挲觀覽窮日
夕揚睂瞬目睚秋毫有巢如此致足樂何必相爭
市與朝吾擬從君割半席支頤遠望山之坳蹠蹠
與鶴共翔舞或者不受山靈嘲

夏日高雲客林竹筠李榕菴何晚仲諸老

招飲榕菴卽事

唐少華先生集卷十一
十
衰遲不作瀛洲夢爲客同歡諸老筵青史無成空
汗簡朱顏已去剩華顛分携家釀人皆醉旋汲山
泉手自煎愛煞榕陰涼枕簟翛然應勝地行僊

題林吉人聽泉圖

掇拾奇書倦眼開兔園冊子不須裁思君得意詞
源瀉也似當前瀑布來
每過堯峰嗟宿草誰知樸學待君傳伯牙絃絕無
人問聽到泉聲一惘然

秋夜飲李鶴山署齋沉醉口占

張燈痛飲故人前話盡升沉二十年蕉鹿夢迴驚
楚澤雞豚社穩樂堯天謾言老驥心猶壯只似春

蠶醉欲眠我已收場君半本好教珍重舊龍泉

長至後四日客汀州傅浣嵐太守招遊朝

斗巖次韻二首

疊澗重岡幾曲盤携樽共俯石闌干野烟橫岸遮
疎影短笛臨風透薄寒遠近暗香人寂寂高低晴
雪路漫漫未應破臘花先放辜負韶華似急湍

梅花盛開

淨洗苔痕十八盤絕無塵跡與相干千株梅萼春
前發百尺清泉劫外寒竹覆雲根烟鼎歷香生罅
戶影彌漫重扶殘醉忘歸路小立溪橋問碧湍

浣嵐席上送周龍客遊三山

風雨蕉堂四十春

龍客出樓閣司農
蕉堂遺照屬題

射鳥樓角已

成塵

樓在福州
公被賊處

重來峴首碑仍在欲話西州涕更

新

黎媿曾先生談司農因樹
屋中舊事携公手蹟傳觀

短髮今宵緜蠹簡孤

篷明日指龍津

時龍客將由
劍溪往三山

剪鏡莫漫嗟搖落應

有綈袍念故人

謂悔齋
觀察也

難兄舊日忝同遊

雪客

憶別秦淮已廿秋夢斷喜君

遲遠信霜寒憐我觸羈愁逢人魑魅應須避失水

蛟龍不自由頭白侯芭今好在可堪華屋變荒丘

悔齋媿曾皆
司農門下士

長歌畱別浣嵐太守兼以爲壽

自怪風塵頗鹿鹿一生結交苦不足故舊恒疑白

首新新知翻比故交熟昨秋偶作汗漫遊青鞵布
鞵無拘束喜君一見便傾倒抵掌論文時往復妙
解真能挾千古上下雲龍共征逐招我衙齋別置
牀酒冽茶甘頻見肅有時並轡出郊扇嶺梅十月
香馥馥公餘豈止樂琴書夜永還能辨絲竹藉山
樓頭團暖翠鄞水江邊漾晴綠志怪偏思歷九州
搜奇每欲接靈谷丈夫要須適意耳安用高牙與
大纛人生五馬已足貴方古便爲真岳牧致君堯
舜豈無術一官何事常踟躕我今芒屨亦倦遊支
頤歸臥西山麓洞口桃花解笑人急買陂陀營小
築他年招爾共驂鸞松嵐間人殊不俗且將別酒

抵瑤觴長歌聊當紫芝曲

哭侍講喬石林同年

放逐同君已十年驚傳賦鵬轉悽然廣陵絃散無人問
斃社魂歸絕可憐自古有才皆欲殺定來忤物豈能全
覆蕉訟鹿噴甚墓石應知不易鑽

聯將遺命乞
家堂銘其墓

南州草堂集卷十七目錄

文藁一

賦一首

萬柳堂賦

頌一首

平蜀頌

雅二首

平滇雅

南州草堂集卷十七

吳江徐 鈞電發著

文彙

賦 頌 雅

萬柳堂賦

都城崇文門之東相國益都馮公別墅在焉岡廻
徑轉溪水環流白板青簾參差上下週遭植柳萬
株因以名堂每於風日晴美都人士挈榼以遊相
國顧而樂之一時淵雲之彥集闕下者咸侈爲
詩歌以傳其勝余不揣固陋遂爲賦曰永豐坊裏
靈和殿前長條踈地碧縷參天時裊金堤之雨常

迷灞水之煙或種五株於棗里曾無萬樹於平泉
未有沙隄曉築東閣初開龍鱗作瓦鴈齒爲階車
茵客醉華館人迴相田疇之膾膾眺原隰之每每
結板扉於巖岫陋峻宇之崔嵬韓稚圭晚香斯託
裴晉公綠野堪陪爰迺經營禁苑之東疊石鳳城
之側左顧滹沱右瞻溟渤西山之爽氣飛來東海
之朝霞欲摘覆簣鑿坏度阡越陌榦古嗟呀禽鳴
磔格遊魚灑潏飛花狼藉恍疑高士之衡廬詎過
仙靈之窟宅時惟春暖芳草芊芊帳彈錦瑟牆映
轍纏鷺黃色淡鴨綠波添士女折章臺之線遊人
汎洛水之船咸向溪堂以袂袂羣呼乍起而三駭

已而布穀催耕子規啼血芍藥將殘薜蘿欲歇悵
新蒲之漸綠盼楊花之飛雪翳綺疏之窈窕挽晨
曦於不絕亡何珠灑丘塵金飛沙霧荷衣褪粉蓮
房咽露桓宣武之十圍已改陶淵明之三徑非故
况乎鴈唳霜凄鷗眠月直秋水迢迢寒林蕭瑟望
南陌而雲影蒼蒼弔渭城而風聲惻惻何妥之齋
頭雨浣王恭之月中露滌莫不藉樓閣之紆迴撫
韶光之瞬息於是驛置鄭莊屐迴謝傳馳金犢而
塵飛響鈿車而煙驚陳王飾瑪瑙之鞭衛尉碎珊
瑚之樹掩翠黛以翱翔浮素波而容與迺出蘭塘
而走馬爰入槐里以鬪鷄綰芙蓉之繡帶被蒲桃

之賜衣溫臯草淺小苑煙霏送珠丸於文羽炤綠
幘於春枝迴修廊步曲池彈鋏撥響冰絲鳳笙縹
緲龍笛參差激清商於簾幙雜賓朋之履綦斯誠
遊觀之勝事抑亦行樂之遺規爾乃沼鑲鴛鴦樓
非鳩鵲短垣低檻不假雕琢疏泉架壑宛似幽居
縛槿編籬依然村落春水半篙澄波一勺蕭疎異
午橋之莊淺淡映藍田之郭真齊物我於同觀庶
等先憂而後樂矧夫槎蘖怒茁毛羽恬熙仁全螺
贏澤滿鯤鯢芒屨葛巾庭無主客田夫野叟路指
東西俯茅簷於碧澗凌絕巘以丹梯羗有情於露
井豈無言於李蹊迺歌曰飄忽兮層城窅冥兮方

瀛千株萬株兮鳥鳴鶴鷖一丘一壑兮聊以娛情
惟我相國兮佐理昇平彈碁賭墅兮樂彼蒼生

平蜀頌

有序

臣
惟

皇帝陛下德懋中天化隆四表闡文教以清寰宇
崇武功而制邊陲穿胃儋耳之鄉奉正朔而請
吏鑿齒雕題之部襲冠帶以來王詎意有包藏
禍心潛懷凶德者叢祠篝火洗藤甲以稱兵草
澤鳴狐渡龍湫而飲馬山名蝨璞自投越火之
軀江抱螳螂欲折當車之臂逞封狐而作孽鳩
毒虺以與妖至煽三方遂勞九伐我

皇上赫然震怒恭行天討師分幾路效長平腹背之攻闔授中樞託元戎心膂之寄剪其羽翼示以招徠風清百粵之墟電掃八閩之宅蠹爾么麼獨潛域外邈兮蒙甸自異寰中疊石茵以開營架巖椒而築壘崇岡百丈西川遂鑿函門迴磴七盤巴水便乘絕險謂武擔巒壑最峻難以束馬懸車而錦屏箐篠尤深白可蜂屯豕突是用臨軒授鉞長驅無戰之師麾衆渡瀘溪入不毛之地伏賴

陛下特傳禁近密授機宜四面合圍井蛙不活三軍竝進鼠穴待熏我將軍臣良棟身居燕地曾

工卽墨之圍將軍臣

進寶

家本秦人早習昆明

之戰其餘將士悉勵忠勤橫角弩以高臨縱金
鉞而直搗比桓溫之破蠶叢殊勞偉畧方鄧艾
之縋綿竹益著雄風由是鐵索橋橫行付龍驤
一炬金沙水漲姑爲湯網三開凡所招徠復其
故業刀耕火耨不驚杜宇之魂焚女巴童盡戀
支機之石以茲

皇威之遠暢豈曰臣功維斯 廟筭之有成宜歌
帝力臣猥以儒生恩蒙 簡拔夜照乙藜之火未
續芸編晨開甲帳之籤欣逢露布謹拜手稽首
而獻頌曰

皇矣 上帝降鑒有德迺眷我 朝以綏四國式
固爾猷大命允集誕惟我 后四國用寧海波不
揚羣方廓清錫茲藩翰爲國之楨蠢爾鯨鯢狡焉
啓叛肆厥梟頑提戈稱亂惟茲寇虐西南塗炭
帝哀蒼生出師整旅宵旰勿遑輯柔爾宇伐鼓闐
闐馬騰卒舞赫赫我 后廟筭精微九重獨運萬
里不違脅從罔治閩粵是綏曰予綏汝汝則德之
汝昔佐亂予則擊之汝今歸附予則釋之蠢爾元
惡依山阻水箚槍象陣以構高壘亂我大常冀逞
蛇豕奮威桓桓早過七盤懸車束馬旣逼崇巒師
行衽席蜀人乃安勇畧建威輔車并攻鉅爾去矛

破陣摧鋒獻俘執馘以奏膚公月正初吉誓師在
征曾不踰時西蜀遂平捷書既至於廟告成昔惟
虞廷百揆禹宅取彼有苗七旬乃格以方今茲聲
靈允赫昔惟殷宗曾伐鬼方三年始克小醜陸梁
以方今茲孰與頡頏既平西蜀梁益永奠亦有昆
明樓船習戰捷伐用張羣醜是殄豈無戎雅紀功
實多不戢不難有居其那臣拜稽首維以詠歌

平滇雅

有序

聖天子御極之二十年化符穹昊德邁隆古九垓
八埏沾濡浸潤罔有內外惟是滇南一隅弄兵
潢池警諸封狐雄虺俶擾天常虐害百姓煽亂

稽誅八年於茲矣

皇上仁育羣生義征不誨陳弧矢以威域中法雷
霆而震宇內巴蜀閩粵以次削平乃乘破竹之
勢斬苴蘭下貴筑簡庸髡彭濮之旅浮舟牂牁
飲馬瀘溪不逾時而叛臣餘孽傳首京師雲南
大定捷書至朝野歡呼咸謂太平之期重覩今
日蓋自古戡定禍亂掃除克逆未有如

皇上之廟筭恢闔神武奮迅者也於是在庭諸臣
手足忭舞或爲 聖德之頌或作饒歌鼓吹之
曲皆能指事屬辭發揚蹈厲播諸金石傳示永
永臣草莽儒生蒙被 恩澤拔置禁林載筆史

館顧慚弁鄙未足揚詡聲靈於萬一竊嘗伏觀
武功告成宣以謳吟每於大小雅徵之至今讀
車攻采芑江漢常武諸詩猶令人稱宣王之德
不衰臣故不辭蕪陋謹撰平滇雅詩二篇夫軒
轅之聖也有蚩尤之誅虞舜之仁也有有苗之
格今以

皇上之文武神聖坐明堂揚豹尾樹靈旗掃攬槍
雲髦玉輅山動地踊芝房寶鼎以薦

郊廟赤麟黃龍以符禎祥斯固非宣王中興所可
與同德而度力者矣臣誠駿昧未能測日月之
光仰乾坤之大然作爲歌詩以配吉甫是又臣

南州華業季十七
職之所不敢缺也臣踴躍再拜稽首以獻

於鑠 先皇布昭聖武者定爾功大啓爾宇有嚴
有翼如霆如雷厥猷允塞四方來歸維 皇嗣服
萬國以寧曷有小醜天路平平申命藩服於閩於
粵豪樂鬼方枝葉先撥維我 先皇錫爾介圭鉤
膺鏤錫式是邊陲 皇恤勞勩遷於豐鎬戎有良
翰子孫是保蠢茲元惡螳乃當車狡昏以狂倚險
睢盱召風徵雨九苞三葉以學蜂并以效草竊虎
牙赤甲戰鼓闐闐旣旣惟乃誘褒兇鞠頑主師出征
熊湘千里犀兕倒戈來蘇志喜惟昔荔浦豨突猥
奔仙霞旣克獸軼鳥驚推兇決戰烏蠻屈膝降王

繫頸巨憝冥極乃關蠶叢龍門鹿頭梯巖越茂
兵江油熊羆桓桓是類是禡執訊獲醜滇池之丁
禁旅攻圍擒不濫數林殲窮猿網羅脫兔惟茲
睿筭乃協神謨於社受戮於廟獻俘旣安反側
諭以德心蠕蠕跂息鮮鮮勾萌帝奮厥武以至
勒銘爾聽勿忘唯國有常刑

右聖武 吳孽授首武功告成也凡九章
章八句

誕敷文德遂纘武功如霆作聲發於豐隆我皇
神聖光被四表威掃攬滄澤含枯槁羣醜旣殄班
師而還受成於廟天子萬年大開明堂明堂

孔揚惟帝之寵穆穆煌煌鳳凰應瑞舒附爾翼
乾清坤寧式是百辟惟茲干戈包以虎皮寬薄租
賦下令捐除禋祀上帝黍稷其馨降福穰穰如
岡如陵乃修辟雍龍旂戾止萬民是若維皇燕
喜環橋觀聽脫劍如林詠仁蹈德玉振金聲爰咨
爰度爰居爰處五行時九歌時敘拊摩長養旣
多受祉百神翕習有恪執事天錫皇帝視聰
聽明乃神乃聖通達古今以茲重譯來享來王執
贄奉璋顛顛昂昂乃建雞竿乃伐鼙鼓帝命維
新澤周惠溥迺興禮樂百度具修式歌且舞以爲
皇獻惟玉衡斯正惟泰階乃平安勿忘危蒞茲

是膺

右敷文 滇南蕩平環海來服我 皇上
誕敷文德也凡八章章八句

南州草堂集卷十八

序八首

蕉林詩集序

藤塢詩集序

詞苑叢譚序

贈門人梁子叔彌序

苦海集自序

乙巳詩自序

嘉莊詞序

兵論序

南州草堂集卷十八

吳江徐 鈞電

文藁

序

蕉林詩集序

蕉林詩集凡古體詩幾卷計若干首近體詩幾卷計若干首大司農真定梁蒼巖先生著也先生勛業文章光耀史冊薄海內外無弗奉爲間世偉人乃於從容退食之暇後堂絲竹一切屏絕簾閣焚香翛然獨坐吟弄篇什多至等身先生從子冷湄使君不欲秘之請先生前後諸藁彙而刊諸武林

囑鈞校訂鈞得授而卒業焉伏讀之凡十日起而
嘆曰嗟乎此盛世之元音也夫四始六義之肇端
昉於唐虞擊壤之歌南風之操故其時命夔典樂
而繼之以神人和言獸舞此極盛之化與禹臯稷
契共成堯舜之治也乃當時禹爲司空契爲司徒
后稷爲農官臯陶作士雖都兪吁咈萃於一堂而
賡歌喜起之風惟舜與臯陶一見諸稽首颺言之
際今先生一爲司馬再爲司寇爲宗伯爲司農凡
兵農禮樂諸大政爲國家所宜因革損益者先生
以一身肩之用佐 聖天子致治與唐虞媲美其
所以宣鬱而達情者一一於詩寄之不假后夔之

典樂而神人協和百獸率舞於以薦之郊廟奏之
朝廷有不於先生是集鳴其盛乎若區區究詩格
之崇卑論氣體之正變以爲近可凌轢北地濟南
遠可追踪少陵摩詰是猶以詩人目先生也予小
子則烏乎敢

藤塢詩集序

真定本古中山國昔趙武靈王易服騎射彎弓畧
地其事固已雄矣余嘗客燕間至漁陽上谷恨未
涉滹沱瀛洛縱觀當日項羽救趙戰鉅鹿下及韓
信建大將旗鼓鼓行出井陘口斬成安君泚水上
諸處爲之低徊大息意必產瑰奇雄傑之士如所

云悲歌慷慨出於性成者非歟乃今而一遇之梁
使君治湄治湄爲累世名公卿之後承其家學蚤
年貢入成均顧不屑屑於佔畢之業比天官河渠
律曆兵農以及奇門卜筮修煉之奧無不精研冀
見諸行事以才大屢阨遂發憤爲詩歌嘗由臨晉
渡汾水入秦關徘徊鴻門霸上西出隴阪尋馬伏
波諸葛武侯用兵地短歌長嘯益吐其胸中之奇
歸而抵掌金臺碣石間指畫山川形勝歷代盛衰
得失之故上方召對闕廷而竟以需次捧檄出
居武林武林當湖山秀弱之地不足以供治湄指
麾又值西南用兵羽書繹絡內則拊循黔赤外則

給發師旅他人處此既勞苦不自得冷涓獨恹恹
游刃上下宴然主客稱便東南吏民胥倚以爲長
城之奇而冷涓日從賓客雅歌投壺分題擊鉢其
意氣嶽崑磊落不減在昔燕趙秦晉時嗚呼不可
及已余少從合肥宗伯談詩遂因宗伯得受業於
今司徒蒼巖公司徒乃冷涓叔父也余與冷涓按
司徒公全集因再閱冷涓詩固知淵源有自益嘆
瀛海滄沱間山川雄傑之氣其所產爲非常矣

詞苑叢譚序

徐子之爲詞苑叢譚也從無聊羈旅中搜討樂章
可佐酒邊花下之所吐屬者拾殘紙秃筆隨時隨

地書之牀頭製一竹籠撚紙條納於其內對客輒舉一二條如頭白宮人說天寶遺事令人愴恍移時歲丁巳浪踏鎖闌偶與周子雪客追話昔年同遊燕市旗亭一曲至今流傳人口而勝侶良朋升沉不一因及叢譚則周子亦方有事於斯亟索其藁視予所補綴猶十之四五予因請而會萃畢業焉周子勿靳悉以畀予予方潦倒場屋收而藏之篋行不意秋風報罷羈鞶歸來舉平時抑鬱摧挫之氣無所舒洩自覺蝮蛇怪鳥爲天地間廢棄之物不惜搔頭傅粉以供世人殘唾因取向日所編條分縷斯別爲詮次旁及詞之源流正變彙成數

卷嗟乎今世讀書之士高者激昂文章氣節間而卑則浮沉濡首於蟻羶鼠腐之際吾兩人窮年矻矻一無所成徒托諸靈均騷辯靖節閒情此其志誠足悲也噫花鈿歌釧睥睨金荃千秋萬世後誰復知我兩人者遂遺書周子而序其顛末如此

贈門人梁子叔彌序

河北梁氏自少保公而下世爲京朝官門第在王謝崔盧以上故其子弟咸奉一經而詩書之澤猶十世未艾也僕以江左濩落之士芒屨入燕遊於今大司農蒼巖公之門王子偕公從子治湄使君來錢唐遂得抗顏爲梁子叔彌師蓋叔彌爲治湄

仲子而司農公從孫也。每念僕蹉跎偃蹇固覲居
臯比然以受知於司農公與台涓之故因不敢不
自竭其愚朝夕訓誨叔彌必循循然莊莊然逆望
其後之可以至於大成者自去歲叔彌北歸應試
僕執手河干叮嚀反覆未幾補邑諸生爲之色喜
嗟乎今朝廷最慎學校每大邑業佔畢者一二千
人其得升於庠序者不過十五人近復裁而爲四
人攻苦能文懷才抱奇之彥往往有投筆棄去者
當此斯文絕續矜拔儒生之會叔彌以弱冠之年
一出而中其選不可謂不榮矣雖然猶未足爲叔
彌慶也蓋梁氏自累世仕宦以來都未有以諸生

終者所謂盛業文章實基於此使及其壯盛智慧
讀書精進明年將舉於京兆又明年試於春官其
所得寧止是已耶使不及其壯盛智慧讀書精進
忽忽數歲亦不過以諸生老矣其所失又寧止是
已耶僕受司農公恩深并感冷涓飲食教誨之德
故不願從衆人後侈口稱賀抑又聞叔彌令祖涇
陽公梁爽先生舉進士制藝功名炳明一時惜乎
蚤歿未竟其緒今冷涓復能善述之益光大焉詩
云無念爾祖聿修厥德叔彌勉之矣

苦海集自序

夫言心聲也心之所觸感而爲言如候蛩鳴秋飄

風過耳其懽愉哀戚皆可取諸懷抱於晤言一室之內或歌或哭欣然有所自得懽愉固樂也卽哀戚亦樂也獨是以不知誰何之人強而與之言不知誰何之歡笑哀戚則彼此之情皆非矣何況心之使臂臂之使指相去已隔數層而欲爲此無情之倡酬獻答其苦爲何如耶然余觀前世文士坎壈失職抱其鉛槧外倚藩鎮幕府往往皆是倚馬作露布草檄愈頭風其英果奮迅抑何壯也若余之棲遲偃蹇徒挾此三寸毛錐以博升斗歸畜妻子旣無百兩竝發之才又少擁盾磨鼻之氣猶似一葉隨風上下於狂瀾瀕洞之中而已於是錄年

來捉刀之製犁爲一集名曰苦海嗟乎但得負郭
半頃茅屋數椽插槿編籬焚棄不律是卽余之彼
岸也夫

乙巳詩自序

余頻年落魄憔悴江潭近復以饑驅出門營章句
廢棄之業春杪始來吳門佔畢之餘稍事吟咏同
時倡酬者長洲吳子虞升也夏五遇浙東姜子西
溟卽與吳子從學爲古文往來無間者三閱月中
秋之前姜子忽理歸棹余與吳子送之胥口各爲
詩贈別別後益切劘爲詩歌十月中同邑葉子元
禮亦自武林至與吳子相見歡愛如生平自是詩

簡往復吾三人嘗共昕夕也今歲且暮矣竊計明年吳子將復遊都門葉子踪跡未定姜子亦未必再至吳門而余之偃蹇搖落又未知視今歲爲何如因檢囊中所得共百餘篇刪之存如干首爲乙巳詩繕寫一冊以便投人請正且以誌良友聚散爲不忘爾

嘉莊詞序

河北諸梁蟬聯鵲起雄長詞翰率皆秉司農公家教故其羣從昆弟盡擅青箱之譽余旣編校冶湄柳村詞以行雲麓復以嘉莊詞緘寄屬余論定嗟乎余亦烏知詞哉大抵詞之爲道未有不源本漢

魏古騷樂府而後音節可歌非止穠纖合度綿麗
擅長也今治涓方出其經濟而雲麓亦英英有用
世之志非終老田間者其寄興於短長言非有所
托而然歟使兩君各畢其志業歸臥恒陽柳村以
漁嘉庄以穫而吾司農公一德格天措斯世於唐
虞三代之盛然後著屐登山築妓堂張絲管於韓
溪大茂間余亦以南荒弟子布袍芒屨擔簦相從
問奇載酒則試舉雲麓諸君新詞令小鬟低唱按
拍吹簫其樂爲何如哉其樂爲何如哉

兵論序

余在錢唐梁使君所得識陳子所爲文精淡高古

驚嘆以爲絕出使君屢置第一世咸目使君爲知人今乃讀陳子所爲兵論沉機察變一規於正有經世救時之大畧隱然以王猛馬周自命因知陳子非僅善經生家言也嗟乎時方用兵必產雄奇豪邁之士投袂而起昔陳同父之言曰文非鉛槧也必有處事之才武非劍楯也必有料敵之智文武之道才智所在一焉而已惜乎同父遭逢坎壈舉世怒其狂怪宋光宗策進士雖擢第一以年老不竟所用今陳子方少益淬礪涵養其才學又有使君知之如吳公之薦賈誼其所遇將迥出乎同父之上也